



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 2. An iidem ab eo[dem] absolvi possint, si peccatum sit solùm
reservatum in Diœcesi Confessarii, non verò in Diœcesi pœnitentis?

urn:nbn:de:hbz:466:1-41144

208 AD 1. Q. R. Confessarium, habentem potestatem in Diœcesi absolvendi à reservatis, non solum posse eam exercere etiam in advenas, & peregrinos ex tacito consensu Prælatorum, & generali consuetudine, vi cuius peregrini, & advenæ, ut incolæ, à Diœcesum Confessariis absolvuntur, uti contra Sotum d. 18. q. 2. a. 4. docent S. Anton. 3. p. tit. 17. c. 4. Cajetan. Summ. V. absolvio 2. Suarez D. 30. de Pœnit. Sect. 1. n. 4. Lugo D. 20. n. 71. Pa-
lud. & alii.

Verūm etiam posse peregrinos, & advenas etiam absolvī à quovis alio Sacerdote approbato, quando casus est duntaxat reservatus in propria peregrinorum, & advenarum Diœcesi. Ita Suarez D. 33. S. 1. n. 5. Navar. in man. cap. 27. n. 275. Lacroix l. 6. p. 2. n. 1631. Octavius Maria à S. Joseph. aliquique cùm, & apud Bonac. D. 5. q. pun. 5. §. 2. n. 9. Ratio est; tum quia Confessarii non tenentur scire casus aliis aliarum Diœcesum Episcopis reservatos; tum quia reus, seu pœnitens, ut incola, judicandus est juxta forum, & leges loci illius, in quo reperitur; tum quia reservatio Episcopalis vim tantum habet intra Diœcesin reservantibus; tum denique quia adesse censetur tacitus Prælatorum consensus. Et ita declaravit etiam Clemens X. in Conf. quæ incipit: *Superna,* edita Anno 1670. addita tamen hac

limitatione, nisi eosdem pœnitentes noverit in fraudem reservationis ad aliam Diœcesin pro absolutione obtainenda migrasse. Tum quia tunc non censetur illorum Episcopus consentire; tum quia par non est, ut frauds, & dolus eis patrocinentur; qualis fraus tunc contingere, quando quis habens reservata in sua Diœcesi, absque necessitate, datâ operâ, consultò, ac Studio se pergeret in aliam, in qua non sunt reservata, ut ibi absolvatur, & proprium Pastorem evitet; tunc enim ageret in fraudem reservationis, & reservatio non haberet effectum.

Ad 2. Q. An peregrini, & ad-209 venæ à quovis approbato Confessario absolvī possint, si habeant calum tantum reservatum in Diœcesi Confessarii, non verò reservatum Episcopo proprii domicilii, seu in Diœcesi ipsius pœnitentis? Censem non nulli cum Fagund, & Stož possè eos absolvī. Rationem dant; quia reservatio fit ab Episcopo in propriæ Diœcessis bonum, & circa peccata suorum Diœcessorum; non autem peregrinorum, qui non sunt Oves suæ Diœcessis, nec subditi, & insuper Confessarius viatorum absolvat per jurisdictionem ab Episcopo viatoris ex recepta consuetudine delegatam, quæ ab alio respectu non subditi restringi nequit.

Con-

210 Contra^riam tamen melius, ac probabilius docent plerique cum Suarez l. c. Navar. l.c.n. 261. Lug. Cajetan. Bonac. Diana, Averfa, Con. Marchant. Bordon. &c. negantes posse eos absolv*i*, nisi ab habente potestatem absolvendi à reservatis. Ratio est; tum quia Episcopus hujus Dioecesis respectu talis peccati directe sustulit Confessario jurisdictionem, eò quod reservatio immediate Confessarium tangat, cui tollitur jurisdictione in reservata; tum quia, licet peregrinus non sit aliás subditus, judicatur tamen tunc ut subditus, & incola illius loci, cùm judicandus sit juxta leges, & consuetudinem loci, in quo reperitur; & maximè in foro Sacramentali pœnitens judicari debet, & absolv*i* secundum conditionem delictorum, quæ confitetur, & jurisdictionem quam obtinet Confessarius pro eo tempore, quo pœnitentis confessionem audit: cùm ergo tunc temporis Confessarius respectu reservatorum ligatam, & impeditam habeat jurisdictionem, & pœnitens in ordine ad hunc actum fiat ejus subditus, idcirco neminem extra mortis articulum absolvere poterit. Quæ ratio militat à fortiori, si peregrinus casum habet reservatum utrique Episcopo, prout etiam declaratum est à Clemente X. l. c. Neque obstat, si dicas, peregrinum non incurrire in censuram latam ab Episcopo loci, in quo confitetur,

quando peccavit extra ejus Dioecesis: ergo neque in reservacionem, quæ cùm habeat rationem pœnæ, afficer debet tantum subditos, non peregrinos, & viatores. R. enim n. parit, quia censura per statutum lata immediate afficit territorium, illique cohæret, atque idcirco neminem ligat extra territorium peccantem, teste Laym. Reservatio verò non afficit propriè territorium, nec in territorio existentes, sed immediate afficit Confessarios, quibus adimitur, vel limitatur jurisdictione, ne scilicet absolvant tali criminis obstricatos; & quod reservatio nihil operetur directe, & immediate circa pœnitentes, patet etiam ex eo, quod si Dioecesanus commissio criminis reservato in Dioecesi, deinde se transferat bona fide ad aliam Dioecesin, ubi tale delictum non est reservatum, possit ibi per Confessarium simplicem approbatum absolv*i*, ut suprà insinuatum est. Quod non fieret, si reservatio immediate & directe afficeret Dioecesanum peccantem. Ex dictis colligitur etiam responsio ad rationem in contrarium allatam.

211

Ad 3. Q. R. cum Suarez D. 26. sect. 6. Coninck d. 8. dub. 6. n. 45. Palao tr. 23. D. unic. p. 14. Regin. aliisque Sacerdotem habentem jurisdictionem dubiam in peccata pœnitentis illicite absolvere, & precare, nisi gravis necessitas urgeat, qualis v.g. esset, si præcepto an-

nuæ